

Relatoriu Admistrador TFET, 31 Marsu 2006

Sumãriu Ezekutivu

- i. Fundu Fidusiáriu ba Timor-Leste (*Trust Fund for East Timor*, TFET) ne'ebé simu doasaun hosi doador barak tulun ona atividade rekonstrusaun no dezenvolvimentu iha Timor-Leste desde inisiu 2000. Desde Relatóriu Administrador nian iha fulan Abril 2005, eskema irrigasaun hektar 1650, lurón asesu km 42 km mak hadia tihaona iha Segundu no Terseiru Projetu Reabilitasaun Agrikultura; ho tulun Projetu Eskola Kualidade Fundamental Ministériu Edukasaun no Kultura halo ramata ona ni-nia Planu Estratéjiku ba Graduasaun Ensinu Primáriu Universal (SP-UPC), no eskola primária foun 65 no Eskola Bázika foun ida harii tihaona; haú harii ona hospital foun hat iha Maubisse, Oecussi, Maliana no Dili, no hakerek ona politika mikro 7 iha Segundu Projetu Reabilitasaun no Dezenvolvimentu Sektor Saúde; Konstrusaun ponte Cassa ramata tihaona iha Projetu Reabilitasaun Infraestrutura Emerjensia; Projetu Asisténsia Téknika Petróleu apoia ona adopsaun lejislatura ba produsaun petroleu, taxasaun, no jestaun reseitas no kapasitasaun ba Divizaun Taxa Tasi Timor; no Segundu Projetu Empreza Kiik reabilita ona basar 22 no foo ona formasaun emprezariál no finanseira ba ema 3,000.
 - ii. Dezempeñu jestaun finanseira ba projetu sira TFET nian hadia makaas ona. Klasifikasaun jestaun finanseira ba ARP III no FSQP hasae tihaona ba satisfatóriu ka diak desde Relatóriu Administrador nian ida ikus. Klasifikasaun jestaun finanseira ba SEP II hatún tiha uitoan ba satisfatóriu natón hafoin mosu tiha defisiénsia iha pontualidade reportasun no rekonsiliaun sira. Kualidade aprovizionamentu iha portfolio TFET nian hadia ona. Projetu hotu-hotu hetan klasifikasaun pelu menus satisfatóriu ba aprovizionamentu, no jestaun aprovizionamentu iha HSRDP II no FSQP hetan tiha klasifikasaun satisfatóriu tebe-tebes. Governu no Banku Mundial halo hela segmentu ida ba possibilidade aprovizionamenu la-loos ba servisu kiik sira iha SEP II no akuzasaun koluzasun iha prosesu lisitasaun ida ba servisu reabilitasaun sira iha FSQP. Taxa dezenbolsu aumenta tiha ona maiske hakuran tiha projetu balun, maibé hein katak sira sei lao neineik durante tempu TFET nian mak sei resin.
 - iii. Projetu hotu-hotu, sira mak sei iha faze planeamentu ka ativu ona, lao tuir nafatin PDN, Programa Estabilidade no Programa Investimentu Sektor sira. Liu tan, wainhira viável, métodu konstrusaun sira no prosedimentu aprovizionamentu sira tau atensaun ba hadia konteúdu lokal hodi la afeta kualidade. Integrasaun Unidade Jestaun Projetu (PMU) ba ministériu relevante sira lao nafatin. Funsionáriu ministériu relevante sira, ho apoiu hosi asesór internasional sira, wainhira presiza, tulun daudauk ona atividade sira TFET no mos Fundu Konsolidadu ba Timor-Leste (CFTL) nian ba degrau ida mak aumenta daudaun. Desde Relatóriu Administrador nian ida ikus, PMU sira TFET nian no asesór sira tulun ona ativamente implementasaun orsamentu CFTL nian. TFET no CFTL selu hamutuk Konstrusaun Hospital Nasional Dili no jestaun finanseira, aprovizionamentu no supervizaun konstrusaun TFET mak halo ho finansiamentu hosi PMU. CFTL finansia ona eskola primária limanulu-resin-lima ne'ebé sei harii hela ho apoiu diretu hosi PMU FSQP. Iha Ministériu Agrikultura, Florestas no Peskas, asesór hotu-hotu ne'ebé ARP selu fo hela apoiu ba programa tomak Ministeriu nian.
- i. Too 28 Fevereiru 2006, USD 178.16 milloens¹ foo tihaona ba TFET no USD 177.85 millioens kompromete ona ba projetu sira. Nune'e, TFET maneja hela osan resin uitoan

¹ Inklui reseita osan kas, nota promisória, no rendimentu hosi investimentu.

besi-besik USD 0.31 milloens. Kuantia adisional ida hamutuk USD 0.12 milloens iha ona nudar rezultadu hosi reembosu ida ba TFET tanba aprovizionamentu la loos iha HSRDP I,² ne'ebé lori surplus total fundus ba USD 0.43 milloens. Tuir Programa Investimentu Sektor, Governu hatoo tihaona preferénsia atu foo fali osan surplus ne'e ba Projetu Halibur Evaporasaun Gas, ne'ebé apoia produsaun eletridade iha sentru populasau boot sira iha parte tasi-mane Timor-Leste. Governu husu katak Konsellu aprova alokasi ne'e ho baze la-iha-objesaun.

² This matter is currently under consideration by Government and will be resolved as soon as possible.